

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA: 4(B)(XXII)6

**SOALAN BERTULIS OLEH AHLI KAWASAN PULAU BETONG
YB. HAJI MOHD TUAH BIN ISMAIL**

6. Daerah Barat Daya mempunyai 1,500 nelayan. Hasil nelayan terganggu kerana kegiatan bot pukat tunda.
- (a) Apakah tindakan yang diambil oleh agensi penguatkuasa terutamanya Agensi Penguatkuasaan Maritim Malaysia (APMM) dalam menangani isu bot pukat tunda?
 - (b) Apakah langkah-langkah yang diambil bagi mengatasi masalah ini?

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

6. (a) Dalam usaha menjaga dan memelihara keselamatan, keamanan dan kedaulatan perairan negara khususnya perairan di Pulau Pinang, Agensi Penguatkuasaan Maritim Malaysia (APMM) Negeri Pulau Pinang sentiasa melaksanakan rondaan operasi dan penguatkuasaan di laut. Statistik tangkapan bot pukat tunda untuk tahun 2017 ialah 12 kes dengan jumlah kompaun yang dikenakan berjumlah RM18,600.00. Bagi tahun 2018 sehingga 23 Julai, sebanyak 11 kes melibatkan kegiatan bot pukat tunda dapat ditumpaskan. Peningkatan jumlah tangkapan adalah berikutan operasi rondaan, pengawasan dan penguatkuasaan yang telah dilaksanakan APMM secara berterusan. Selain

daripada APMM, Jabatan Perikanan Negeri Pulau Pinang juga sentiasa memantau dan menguatkuasakan undang-undang di kawasan perairan Negeri Pulau Pinang. Nelayan yang melakukan kesalahan bersama *vesse/* dan peralatannya akan ditahan dan boleh dikompaun di bawah Seksyen 31 Akta Perikanan 1985 ataupun didakwa di Mahkamah. Sepanjang tahun 2017, sebanyak 21 kes tangkapan pukut tunda telah direkodkan manakala sehingga Julai 2018 sejumlah 9 tangkapan telah berjaya diberkas oleh Jabatan Perikanan dan usaha-usaha pencegahan akan dijalankan dari semasa ke semasa.

- (b) Antara langkah-langkah yang telah diambil bagi mengatasi permasalahan aktiviti bot pukut tunda oleh APMM adalah seperti berikut:-
- (i) Mengenal pasti perairan yang menjadi tumpuan pencerobohan bot pukut tunda seperti di Perairan Sungai Pinang, Perairan Pulau Rimau, Pulau Kendi dan sekitar perairan Pulau Aman dengan menumpukan rondaan operasi penguatkuasaannya di perairan ini sepanjang masa;
 - (ii) Menjalinkan kerjasama dengan komuniti maritim dengan mengadakan mesyuarat berkala dengan Persatuan Nelayan Negeri dan Program Bertemu Pelanggan melibatkan nelayan serta pengusaha bot di semua kawasan atau pangkalan nelayan sepanjang tahun;
 - (iii) Meningkatkan kehadiran aset di kawasan *hotspot* untuk memastikan sebarang unsur jenayah dan kesalahan di laut dapat diatasi dengan serta-merta;
 - (iv) Menjalankan Operasi Khas dengan kerjasama dari Jabatan Perikanan Negeri dan juga Polis Marin dengan mengenal pasti modus operandi serta situasi kawasan yang seringkali menjadi tumpuan aktiviti pencerobohan pukut tunda di laut; dan

- (v) Meningkatkan keupayaan asset-aset kapal dan bot. APMM akan menerima 6 buah kapal Ronda Generasi Baharu (NGPC) dan 3 buah Kapal Peronda Luar Pantai (OPV) yang sedang dalam pembikinan. Selain itu, proses modenisasi ke atas *vesse/-vesse/* sedia ada bagi meningkatkan keupayaan penguatkuasaan.

Selain itu, Jabatan Perikanan juga telah menguatkuasakan pemakaian Pekeliling Pelaksanaan Dasar Penghapusan Pukat-pukat Tunda Yang Beroperasi di Zon B bermula 1 Januari 2016 secara berperingkat melalui langkah-langkah kawalan (Pekeliling Pelesenan Bil. 4/2015). Selain itu, pengawasan yang ketat dan hukuman yang lebih berat turut dikenakan kepada pengusaha pukat tunda yang didapati menceroboh ke Zon A yang meliputi 5 batu nautika dari pantai seperti berikut :-

- (i) Pembatalan arahan kelonggaran penguatkuatkuasaan saiz mata pukat keroncong pukat tunda tidak kurang daripada 38 mm;
- (ii) Mewajibkan pemasangan Alat *Automatic Identification System* (AIS) ke atas semua *vesse/* pukat tunda zon B; dan
- (iii) Hukuman gantung lesen, tahan minyak subsidi dan kadar kompaun yang lebih tinggi.

Usaha membenteras bot pukat tunda haram perlu digembeling secara bersama dengan masyarakat dan dipertingkatkan. Faktor kesedaran di kalangan nelayan perlu ditambah baik bagi memastikan kegiatan yang menyalahi undang-undang dapat diminimumkan dan mampu mewujudkan ekosistem yang lestari untuk generasi akan datang.